

Na osnovu člana 32. Zakona o javnim nabavkama Bosne i Hercegovine («Službeni glasnik BiH», br. 39/14 i 59/22) i Odluke o pokretanju postupka broj 01-11-4-7053 od 09.12.2022. godine, a nakon provedenog otvorenog postupka putem Obavještenja o nabavci broj 1364-1-1-97-3-71/22 od 09.12.2022. godine i Odluke o izboru najpovoljnijeg ponuđača broj: 01-11-4-7053-2/23 od 13.03.2023. godine za nabavku tonera, ketridža i drum unit-a zaključen je:

## OKVIRNI SPORAZUM

između:

**„ALF-OM „ d.o.o. Banja Luka**

Sjedište dobavljača: Banja Luka,

Koga zastupa direktor, Darko Suvajac,

ID broj: 400810890005

(u daljnjem tekstu: Dobavljač/Ponuđač),

i

Ministarstvo unutrašnjih poslova Kantona Sarajevo

Sjedište: Sarajevo

koje zastupa ministar, Admir Katica

Identifikacijski broj: 4200220350006

(u daljnjem tekstu: Ugovorni organ)

### Član 1.

Ovim Okvirnim sporazumom ugovorne strane se sporazumjevaju da će Dobavljač tokom ugovornog perioda, po ukazanoj potrebi, a na osnovu zahtjeva Ugovornog organa za istog obezbjediti isporuku tonera, ketridža i drum unit-a, a prema Ponudi Prodavca br.0366/22 SK od 27.12.2022. godine koja čini sastavni dio ovog Sporazuma.

Ugovorni organ se ne obavezuje na nabavku utvrđenih okvirnih količina u cjelosti. Stvarna realizacija zavisi od potreba ugovornog organa i raspoloživih finansijskih sredstava, ali ne može preći vrijednost okvirnog sporazuma.

Sastavni dio ovog Okvirnog sporazuma su:

Obrazac za cijenu ponude

Izvještaj o toku i završetku e-aukcije od 04.01.2023. godine

### Član 2.

Okvirni sporazum zaključuje se za period od 24 mjeseca, odnosno do iskorištenja maksimalne finansijske vrijednosti.

Vrijednost okvirnog sporazuma nakon provedene e-aukcije je: 68.600,00 KM bez PDV-a (šezdesetosamhiljadašeststotina i 00/100 KM), a sa PDV-om 80.262,00 KM (osamdesethiljadadvijestotinešezdesetdva i 00/100 KM).

Cijene su fiksne i ne mogu se mijenjati za vrijeme važenja ovog Okvirnog sporazuma.

### Član 3.

Nakon zaključivanja Okvirnog sporazuma, zaključit će se pojedinačni ugovor o javnim nabavkama. Pri zaključivanju pojedinačnog ugovora ne mogu se mijenjati bitni uslovi ovog Okvirnog sporazuma.

Dobavljač je dužan ugovorenu robu isporučivati prema uslovima iz tenderske dokumentacije i prihvaćene Ponude u roku od 7 dana od dana prijema narudžbenice.

#### Član 4.

Ugovorni organ će ugovorenu cijenu plaćati u roku od 30 dana po dostavljanju fakture.

#### Član 5.

Na sva ostala prava i obaveze koja nisu regulisana ovim Sporazumom, primjenjivat će se odredbe Zakona o obligacionim odnosima.

Nakon zaključenja Sporazuma, njegove odredbe ne mogu se mijenjati.

#### Član 6.

Ukoliko poslije zaključenja ovog Okvirnog sporazuma nastupe okolnosti više sile koje dovedu do ometanja ili onemogućavanja izvršenja obaveza definisanih okvirnim sporazumom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koje su se dogodile bez volje i uticaja strana u okvirnom sporazumu i koji nisu mogli biti sprječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.

#### Član 7.

Eventualne sporove Ugovorne strane će nastojati rješiti sporazumno, u duhu dobrih poslovnih odnosa i uzajamnog povjerenja, a u slučaju da sporazum ne bude postignut ugovara se nadležnost Općinskog suda u Sarajevu.

#### Član 8.

Sporazum stupa na snagu sa danom obostranog potpisivanja ovlaštenih predstavnika ugovornih strana.

#### Član 9.

Sporazum je sačinjen u 4 istovjetna primjerka, od kojih svaka od ugovornih strana zadržava po 2 primjerka.

**DOBAVLJAČ:**  
**ALF-OM d.o.o. Banja Luka**

\_\_\_\_\_  
direktor, **Darbo Suvajac**

Broj: 087/23  
Sarajevo, 18.06.2023

**UGOVORNI ORGAN:**  
**MINISTARSTVO UNUTRAŠNJIH POSLOVA**  
**KANTON SARAJEVO**

\_\_\_\_\_  
ministar, **Admir Katica**

Broj: 01-11-4-7053-3-OS/23  
Sarajevo, 14.06.2023. godine